

AVSPICATISSIMUM NATALEM  
SERENISSIMI AC POTENTISSIMI PRINCIPIS  
AC DOMINI, DOMINI

# FRIDERICI III

MARCHIONIS BRANDENBURGICI AC S. ROM.  
IMPERII ARCHICAMERARII ET ELECTORIS, DUCIS BORVS-  
SIAE, MAGDEBURGI, CLIVIAE, IVLIACI, MONTIUM, STETINI, PO-  
MERANIAE, CASSUBIORVM ET VINIDORVM, ET IN SILESIA  
CROSNAE, BURGGRAVII NORIMBERGENSIS, PRINCIPIS HALBER-  
STADII, MINDAE ET CAMINI, COMITIS HOHENZOLLERAE, MAR-  
CAE ET RAVENSBERGAE, DYNASTAE RAVENSTEINI, ET  
TERRARVM LAVENBURG ET BVTAV, ETC.

DOMINI NOSTRI CLEMENTISSIMI,

ET

QVEM IPSE INDVLGENTISSIMA VOLVNTATE  
FRIDERICIANAE SVAE COMMVNEM ESSE IVSSIT,

QVO DECET RITV ET DEVOTIONE  
CALENDIS IVLIIS c<sup>o</sup> l<sup>o</sup> c<sup>o</sup> XCV  
CONCELEBRANDVM,

ET VNA ITERATAM

RECTORIS MAGNIFICENTISSIMI  
SERENISSIMI IVVENTVTIS PRINCIPIS  
AC DOMINI NOSTRI CLEMENTISSIMI

# FRIDERICI WILHELMI,

MARCHIONIS BRANDENBURGICI ET ELE-  
CTORATVS AC PROVINCIARVM HEREDIS,

NEC NON

NOVI PRORECTORIS MAGNIFICI

PROCLAMATIONEM

INDICIT

IOANNES VVILHELMVS BAIER,  
S. THEOL. D. ET PROF. P. ET CONSIST. IN DVCATV MAGDEB.  
CONSILIARIVS, ADHVC ACADEMIAE PRORECTOR.





Mminet illa lux in crastinum diem, quæ vt cunctis regionibus Brandenburgicæ ditionis fausta & exoptata, ita præ ceteris Academiae nostræ auspiciatissima, & maxime lætabilis, & sacra semper ac augusta debet esse. Iuliæ hæ Calendæ sunt, quibus ante hos xxxviii annos, qui lux Brandenburgicarum gentium, decus ac deliciae nostrorum temporum, fulcrum & præsidium Romani Imperii, & Academiae nostræ felix auspicium atque firmissimum tutamentum est, FRIDERICVS III, Marchio & Elector Brandenburgicus, Dominus noster clementissimus, Princeps Pius, Felix, Augustus, hanc cæli lucem adspexit, & tanquam cæleste munus, vti omnino est, diuina benignitate terris datus atque concessus fuit. Neminem ergo ita sensus expertem ac publicæ rei incuriosum putamus, quin eius diei solennitate adficiatur, qui tam caro Capiti & tot bonorum auctori & conseruatori principium vitæ, totque gentibus felicitatis præsentis augurium fausto omine nec incerta significatione dedit. Quæ vero omnibus communes rationes sunt, vt diem hunc tanquam festum ac so-

ac so-



ac solennem transigant; eas proprias nobis & nostræ  
Academiæ esse intelligimus, quæ eodem die, quo ma-  
gni Principis & Conditoris sui natalem colit, sua quo-  
que initia & augustam dedicationem pio gratoque a-  
nimo recordatur. Quum igitur alterum natalem su-  
um cras actura sit Academia; utique de nouis auspi-  
ciis, quibus per proximum annum regatur, cogitan-  
dum eidem fuit. Sed in hoc quoque indulgentiam  
serenissimi Conditoris prædicamus, qua excelsæ in-  
dolis Filium & iuuentutis Principem ac Dominum  
nostrum, FRIDERICVM WILHELMVM,  
Marchionem Brandenburgicum, & Electoratus ac Pro-  
vinciarum Heredem, futuro etiam anno RECTO-  
REM Academiæ MAGNIFICENTISSIMVM  
præesse, eiusque ornamenta fulgentissimo splendore suo  
identidem augere clementissime voluit. Quod sane  
certissimum argumentum est, quanto amore indulgen-  
tissimus PATRIAE PATER hanc Fridericianam  
suam complectatur, cui iterum, quem vnicum & caris-  
simum habet, Rectorem & Præsidem Filium suum de-  
dit. Huius vices ut rite expleantur, curæ nostro Col-  
legio fuit, eiusque vnanimi decreto electus est, qui A-  
cademiam pro Rectore gubernet, Consiliarius intimus  
Brandenburgicus, & Professorum ac Iurisconsultorum  
primarius, SAMVEL STRYKIVS, noster fau-  
tor & collega plurimi æstimandus, qui eodem crasti-  
no die, quod feliciter vertat, PRORECTORIS mu-  
nus rite & Academico more in sese suscipiet. No-  
vum itaque annum, nouumque regimen auspiciatus,  
id curæ sibi ante omnia habebit, ut serenissimi Electo-  
ris

ris



ris natalis dies deuotis gratulationibus celebretur, quas  
 publico nomine coniunctissimus collega noster ac E-  
 loquentiæ Professor CHRISTOPHORVS CELLARIVS  
 perficiet. Augendæ publicæ lætitiæ causa & alia so-  
 lennitas coniungetur, quam laudatissimum Iuriscon-  
 sultorum Collegium indicabit. Multæ sic rationes no-  
 bis sollemnissimi eo die officii sunt, cui & Patres Aca-  
 demix, & singulos Ciues interesse oportet, quos pro  
 cuiusque dignitate ac honore rogitamus & admone-  
 mus, vt crastino die hora VIII in Collegio Academiæ  
 conueniant, & frequenti comitatu ac decenti ordine  
 Sceptra Academica in Templum Marianum deducant  
 reducantque, & omnia agant, quæ fausti ominis sunt,  
 & ad Principis vtriusque, a quibus salus pendet Acade-  
 miæ, tum Fundatoris liberalissimi, tum magnificentissi-  
 mi Rectoris incolumitatem pertinent, votis nostris atque  
 precibus identidem Deo commendandam. Ceteros  
 etiam summos & amplissimos viros, vt sacris his A-  
 cademiæ adesse, suaque vota cum nostris coniunge-  
 re studeant, obseruanter & officiose inuitamus. P.P.  
 Halæ xxx Jun. CIOICXCV.

SÄCHSISCHE LANDESBIBLIOTHEK  
 2 0487396

Datum der Entlehnung bitte hier einstempeln!

*H. Born*